


Beibl i Blant
yn cyflwyno



Brenhinoedd
da a
Brenhinoedd
drwg



Awdur: Edward Hughes
Lluniau gan: Lazarus; Alastair Paterson
addaswyd gan: Ruth Klassen
Cyfieithydd: Catrin Roberts
Cynhyrchwyd gan: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2021 Bible for Children, Inc.

Trwydded: mae gennych hawl i gopio neu argraffu'r stori hon,
ar yr amod nad ydych yn ei gwerthu.




Dyna ddiwrnod trist.
Roedd tad Manasse,
y brenin Heseceia,
newydd farw. Yn 12
oed, Manasse oedd y
brenin newydd yn
rheoli pobl Dduw yn
Jwda. Doedd e ddim
yn gwybod hynny ar y
pryd, ond byddai
Manasse yn frenin am
55 o flynyddoedd.
Roedd e angen help
Duw i fod yn frenin da.




Beth wnaeth Manasse?

Anwybyddu Duw a gwneud pethau drwg. Dyma fe'n ail adeiladu allorau er mwyn addoli eilunod. Fe wnaeth e gerfio delw a'i rhoi yn y Deml! Roedd Duw wedi dweud


trwy Moses, "Paid cerfio eilunod. Paid plygu i lawr a'u haddoli nhw."



Roedd Manasse yn
ymarfer dewiniaeth a
swynion. Fe wnaeth e
arwain y bobl oddi wrth
Dduw. Fe wnaeth e hyd
yn oed losgi ei feibion
ei hun fel aberth i'r
duwiau ffug. Roedd
Duw yn flin iawn
fod Manasse
mor anufudd.




Pan mae ei bobl yn anufudd, mae Duw yn gadael iddyn nhw gael eu cosbi. Dyna ddigwyddodd i Manasse a'i bobl. Felly dyma'r ARGLWYDD yn dod â byddin Assyria i'r wlad. Cafodd Manasse ei gymryd yn gaeth mewn tsaeniau i Babylon.






Yng nghanol y creisis yn
Babylon, fe wnaeth
Manasse weddio ar yr
ARGLWYDD ei Dduw, ac
edifarhau go iawn o flaen
Duw ei hynafiaid. Dim
mwy o addoli duwiau ffug
marw! Ond, oedd y Duw
byw yn mynd i wrando ar
ôl i Manasse wneud
cymaint o bethau drwg?




Oedd! Clywodd Duw ei weddi
a dod ag e'n ôl i Jerwsalem i
fod yn frenin. A dyna sut y
daeth Manasse i ddeall mai'r
ARGLWYDD sydd Dduw.




Roedd y Brenin Manasse fel person newydd.
Dyma fe'n symud y duwiau paganaidd o
Jerwsalem a'r ddelw o deml Duw. Dyma nhw'n
eu taflu i ffwrdd fel sbwriel. Fe drwsiodd
allor yr **ARGLWYDD** a chyflwyno offrymau o
ddiolch i Dduw.




Yna dyma fe'n gorchymyn fod pobl Jwda i
addoli'r **ARGLWYDD** Duw Israel. Roedd
Manasse wedi newid!




Wedi marw Manasse, fe wnaeth ei fab, Amon, ddechrau addoli duwiau ffug eto. Ond yn wahanol i Manasse, wnaeth Amon ddim troi'n ôl at yr **ARGLWYDD**. Gwnaeth fwy a mwy o bethau drwg ac yn y diwedd cafodd ei ladd gan ei weision, yn ei gartref ei hun. Dim ond am ddwy flynedd roedd e wedi bod yn frenin.



Wyth oed oedd Joseia, y
brenin nesaf, pan ddaeth i
reoli. Bu'n frenin am 31 o
flynyddoedd. Roedd yn
gwneud beth oedd yn
plesio'r **ARGLWYDD**.
Chwalodd y delwau a'r
allorau. Yn wir, dyma fe'n
malu nhw'n llwch man.




Fe wnaeth Joseia, y brenin da,
lanhau a thrwsio'r Deml hefyd.
Yng nghanol y sbwriel, daeth
offeiriad o hyd i Sgrôl y Gyfraith
roddodd yr **ARGLWYDD** i Moses.




Pan glywodd y brenin
eiriau'r Gyfraith,
dyma fe'n rhwygo'i
ddillad yn drist.
Sylweddolodd Joseia
pa mor ddrwg fu ei
hynafiaid yn gwrthod
ufuddhau i'r gyfraith.




Daeth proffwydes o'r enw Hulda â neges gan Dduw i Joseia. "Dyma mae'r **ARGLWYDD** yn ei ddweud, 'Dwi'n mynd i ddod â dinistr ofnadwy ar y wlad achos bod nhw wedi troi cefn arna i.'" Ond am fod Joseia yn ufudd ac yn sori, byddai hyn ddim yn digwydd nes iddo farw.




Cafodd Joseia help Duw i arwain ei bobl yn ôl at Dduw. Un diwrnod, pan oedd Joseia a'i bobl mewn brwydr, cafodd ei anafu gan un o saethwyr y gelyn. Roedd ei bobl yn drist, ac fe wnaethon nhw ysgrifennu caneuon yn canmol Joseia, y Brenin da.





Yn fuan wedyn,
daeth y deyrnas
i ben. Ond rhyw
ddiwrnod, bydd
brenin yn rheoli
Israel unwaith
eto. Ei enw fydd
BRENIN Y
BRENHINOEDD
AC ARGLWYDD
YR ARGLWYDDI.





Pan ddaeth Iesu
Grist i'r byd,
cafodd ei wrthod
gan bobl a'i ladd ar
groes. Pan ddaw
Iesu i'r byd eto, fe
fydd nid yn unig yn
frenin ar Israel,
ond yn frenin ar y
byd i gyd.



Brenhinoedd da a Brenhinoedd drwg

Stori o Air Duw, y Beibl

sydd i'w gweld yn

2 Cronicl 33-36

"Pan ddatguddir dy air, bydd yn goleuo."

Salm 119:130



y Diwedd

| 23

||||| 60



Mae'r stori hon o'r Beibl yn dysgu ni am ein Duw rhyfeddol.
Fe wnaeth ein creu ni, ac mae eisiau i ni ei adnabod.

Mae Duw yn gwybod bod ni wedi gwneud pethau drwg, beth mae e'n galw'n bechod. Cosb pechod ydy marwolaeth, ond mae Duw yn dy garu di gymaint nes ei fod wedi anfon ei unig Fab, Iesu, i farw ar Groes, a chymryd y gosb am dy bechod di. Yna daeth Iesu'n ôl yn fyw a mynd adref i'r Nefoedd! Os wyt ti'n credu yn Iesu ac yn gofyn iddo faddau dy bechodau, mae'n barod i wneud hynny! Bydd yn dod i fyw ynot ti nawr, ac fe gei di fyw gydag E am byth.

Os wyt ti'n credu bod hyn yn wir, beth am ddweud hyn wrth Dduw: Annwyl Iesu, rwy'n credu i ti ddod yn ddyn i farw dros fy mhechodau, a dy fod ti'n fyw eto. Os gweli'n dda, tyrdd i mewn i'm bywyd. Maddau fy mhechodau i mi gael bywyd newydd nawr, ac yna un diwrnod bod hefo ti am byth. Helpa fi i fod yn ufudd i ti, a byw fel plentyn i ti. Amen.

Darllena'r Beibl, a siarad gyda Duw bob diwrnod! Ioan 3:16

